



---

## INFORMACIJA O ORGANIZOVANOVANJU I FUNKCIONIRANJU SISTEMA ZAŠTITE I SPAŠAVANJA I ZAŠTITE OD POŽARA NA PODRUČJU OPĆINE TEŠANJ ZA 2016. GODINU

U skladu sa utvrđenim i donesenim Programom rada Općinskog vijeća Tešanj za 2017. godinu, Općinsko vijeće jednom godišnje razmatra Informaciju o stanju organizovanosti zaštite i spašavanja ljudi i materijalnih dobara od prirodnih i drugih nesreća i zaštite od požara na području općine Tešanj. Informacija ima za cilj, da prikaže postojeće stanje organizovanosti snaga civilne zaštite i Profesionalne vatrogasne jedinice (PVJ), provedene mjere i ukaže na aktivnosti koje je potrebno poduzimati na daljnjem organizovanju, razvoju i jačanju civilne zaštite i PVJ na području općine Tešanj, u čemu značajno mjesto u provođenju politike, ciljeva i zadataka imaju Općinsko vijeće, Općinski načelnik i općinske službe.

Informacija oslikava aktivnosti na organiziranju snaga civilne zaštite i PVJ, kroz provođenje planiranih mjera i aktivnosti, programiranje i planiranje u oblasti civilne zaštite, tj. kroz Program razvoja i Plana zaštite i spašavanja od prirodnih i drugih nesreća i Plana zaštite od požara. Ovim dokumentima vrši se konkretna implementacija svih pitanja koja su regulirana Zakonom o zaštiti i spašavanju ljudi i materijalnih dobara od prirodnih i drugih nesreća („*Službene novine Federacije BiH*“, br.39/03, 22/06 i 43/10) i Zakonom o zaštiti od požara i vatrogastvu („*Službene novine Zeničko-dobojskog kantona*“, br.5/11), a odnose se na sistem zaštite i spašavanja na općini. Ovdje se mora napomenuti da općina, kao jedinica lokalne samouprave ima centralno mjesto i ulogu u sistemu zaštite i spašavanja, iz razloga što se na području općine odvija ukupan život i rad ljudi i što su tu smještene sva materijalna i druga dobra.

### I SISTEM ZAŠTITE I SPAŠAVANJA

#### 1. MJERE I ZAŠTITA GRAĐANA

##### a) lična i uzajamna zaštita građana:

Lična i uzajamna zaštita predstavlja najmasoviji vid pripremanja i djelovanja u zaštiti i spašavanju i namijenjena je za ličnu zaštitu građana, koju ostvaruju sami građani i uzajamnu zaštitu koju ostvaruju takođe građani pružajući uzajamnu pomoć. Ona se sastoji se u tome, da je svaki građanin dužan prvenstveno preduzimati one mjere i aktivnosti da zaštiti sebe, svoje članove porodice i svoju imovinu, a ako bude u prilici i drugima da pruži neposrednu pomoć kojima je ta pomoć potrebna. Ovaj oblik zaštite trebao bi da se sprovodi u svim mjestima i sredinama u kojima građani žive i rade. Obuka građana za ličnu i uzajamnu zaštitu, realizuje se kroz razne vidove obuke i kroz razne strukture, a između ostalih provode ih i organi civilne zaštite. Treba napomenuti da je obukama obuhvaćen značajan broj građana, naročito ako se uzme u obzir da se obuke provode u školama sa učenicima kroz nastavne programe, radnici u preduzećima kroz redovne zakonske obuke, pripadnici civilne zaštite kroz redovne obuke kroz organe civilne zaštite, kao i značajan broj građana kroz razne vidove djelovanja nevladinih organizacija i pravnih lica koja se kroz svoju redovnu djelatnost bave segmentom zaštite i spašavanja. Na ovaj način je obuhvaćen i značajan broj domaćinstava. Značaj ove vrste obuke je poseban, prvenstveno što građani u uslovima kada su ugroženi ljudski životi i materijalna dobra ne smiju biti pasivni promatrači događaja, već aktivni učesnici u zaštiti i spašavanju. U 2016. godini obučavanje građana od strane civilne zaštite je bilo usmjereno u dijelu provođenja mjere zaštite i spašavanja od požara, kao najčešćeg oblika ugrožavanja ljudi i materijalnih dobara i to sa:

- učenicima i nastavnicima osnovnih škola,
- povjerenicima i mjesnim zajednicama o značaju i zadacima civilne zaštite, kao i ulozi povjerenika u MZ u provođenju aktivnosti i mjera zaštite i spašavanja,


- obavještanje putem medija o provođenju preventivnih mjera zaštite od požara i zaštiti od neeksplozivnih ubojnih sredstava (NUS),
- kroz manifestaciju „Oktobar mjesec- Mjesec zaštite od požara“.

U ostvarivanju navedenih aktivnosti, značajno mjesto imaju udruženja i organizacija poput Crvenog križa i dobrovoljnih vatrogasnih društava, gdje se putem istih provodi obuka školske i vanškolske omladine. Prioritetni zadatak Službe civilne zaštite i Općinskog štaba civilne zaštite u narednom periodu će biti na osposobljavanju pripadnika službi zaštite i spašavanja, povjerenika i pripadnika jedinice opće namjene, kao i građana kroz razne vidove podrške udruženjima i pravnim licima iz oblasti zaštite i spašavanja.

### b) mjere zaštite i spašavanja:

Mjere zaštite i spašavanja su organizovane radnje i postupci preventivne i operativne prirode, koje pripremaju i provode organi vlasti i sva pravna lica (nosioci zaštite i spašavanja) u skladu sa članom 42. Zakona o zaštiti i spašavanju. U 2016. godini osim operativnih mjera iz oblasti zaštite od požara nije bilo operativnih radnji iz drugih mjera. Poseban akcenat je bio na provođenju preventivnih mjera koje su realizovane prema sljedećem:

#### Sanacija klizišta



Prema Planu sanacije klizišta na području općine Tešanj u 2016. godini je izvršena sanacija 22 klizišta u 15 mjesnih zajednica koja su direktno ugrožavala infrastrukturu i stambene objekte, a koja su okarakterisana sa većim stepenom ugrožavanja i karakterističnim geološkim elementima. Vrijednost izvedene sanacije je 133.540 KM, a namjenska sredstva su osigurana u Budžetu Općine i Budžetu Kantona. Realizacijom ovog ugovora na razne načine je sanirano i stabilizirano ukupno 128 klizišta/odrona nakon prirodne nesreće 2014. godine.

#### Uređenje vodotoka

U toku 2016. godine nastavljene su aktivnosti na provođenju preventivnih mjera zaštite od poplava, a prvenstveno se odnose na nastavak aktivnosti na lokacijama iz 2015. godine. Treba napomenuti da se veoma značajne aktivnosti vode na provođenju ovih preventivnih mjera od 2013. godine, a sa posebnom dinamikom nakon poplava 2014. godine. Tokom 2016. godine realizovane su aktivnosti na sljedećim vodocima:

- Rijeka Tešanjka: izrada obaloutvrde na dvije lokacije u dužini od 70 metara;
- Rijeka Radušica: uređenje korita u dužini od 560 metara;
- Planjska rijeka: uređenje korita u dužini od 150 metara;
- Mekiški potok : uređenje korita u dužini 60 metara ;

Od strane Agencije za vodno područje rijeke Save na rijeci Usori realizovana je izgradnja obaloutvrde na dvije lokacije u dužini od 200 metara. Vrijednost izvršenih radova iz nadležnosti Općine je 23.306,40 KM, a iz nadležnosti Agencije za vodno područje rijeke Save 69.639,98 KM.

Postojeći nivo zastupljenosti preventivnih mjera u ukupnim aktivnostima zaštite i spašavanja zauzima značajno mjesto, obzirom da od preventivnih mjera zavisi ublažavanje i sprečavanje nastalih prirodnih i drugih nesreća.

#### Uklanjanje NUS-a

Neeksplozirana ubojna sredstva (NUS) su sva tijela ili njihovi dijelovi koja u sebi sadrže eksplozivnu materiju, bojni otrov ili radiološku supstancu koja je sposobna da svojim aktiviranjem ugrozi život i zdravlje ljudi i životinja i utiče na okolinu koja ih okružuje.

Nadležnost općinske Službe CZ u ovoj oblasti je da po prijavi građana o nađenom NUS-u isti evidentira, izvrši izviđanje, obilježi lokaciju i obavijesti Sektor za deminiranje i uklanjanje neeksploziranih ubojnih sredstava Federalne uprave CZ koji preduzima dalje aktivnosti na uklanjanju NUS-a angažujući svoje deminerske timove. Služba civilne zaštite i Tim za uklanjanje NUS-a (TUN tim) nemaju nadležnost nad uklanjanjem oružja.

Stanje na terenu sa aspekta zaštite od NUS-a pokazuje da se još u pojedinačnim slučajevima na području općine Tešanj mogu pronaći neeksplozirana sredstava. Prema broju prijava i broja uklonjenog NUS-a iz godine u godinu dolazi do smanjenja broja pronađenog NUS-a, ali je neophodno nastaviti provoditi preventivne i operativne radnje u okviru navedene mjere. U 2016. godini evidentirano je 13 prijava kojom prilikom je pronađeno i uništeno 60 NUS-a različitih vrsta i kalibara.

Svakako da treba spomenuti da u toku 2016. godine na području općine Tešanj nije bilo minoincidenata, odnosno slučajeva stradanja ili ranjavanja građana, pripadnika TUN tima i uposlenika Službe civilne zaštite od zaostalog NUS-a, što svakako opravdava sve dosadašnje aktivnosti u provođenju mjera zaštite od NUS-a.

## **2. ORGANIZACIJA CIVILNE ZAŠTITE**

Sistem civilne zaštite Općine Tešanj kroz organizovane strukture prema utvrđenim formacijama broji 297 pripadnika, raspoređenih u sljedeće strukture:

- a) Općinski Štab civilne zaštite
- b) Službe zaštite i spašavanja
- c) Povjerenike civilne zaštite
- d) Jedinice civilne zaštite
- e) Službu civilne zaštite i
- f) Operativni centar civilne zaštite.

Trenutna popunjenost struktura civilne zaštite je 272 pripadnika.

### **a) Općinski štab civilne zaštite:**

Općinski štab civilne zaštite (Štab CZ) je operativno-stručni organ civilne zaštite koji rukovodi upotrebom svih snaga i sredstava civilne zaštite i odlučuju o provođenju mjera zaštite i spašavanja na ugroženom

području u cilju zaštite i spašavanja ljudi i materijalnih dobara. Štab CZ se angažuje onda kada nadležni organ vlasti proglasi nastanak neke prirodne ili druge nesreće, ili ako ista prijete području.

Štab redovno zasjeda i donosi odluke i zaključke koji se odnose na rad i funkcionisanje Štaba, organizaciju sistema zaštite i spašavanja na području općine, finansijsku i plansku dokumentaciju, kao i dokumente na provođenju mjera zaštite i spašavanja. Pored navedene sjednice Štab CZ je provodio i preporuke Federalnog štaba civilne zaštite koje su se odnosile na provođenje određenih mjera kod pojave zoonoza u saradnji sa nadležnim pravnim licima. Štab CZ je u 2016. godini bio popunjen u skladu sa formacijom koju čine komandant, načelnik i 10 članova.

#### b) Službe zaštite i spašavanja

Službe zaštite i spašavanja predstavljaju poseban organizacioni oblik civilne zaštite i organizuju se u okvirima pravnih lica koja kroz svoju redovnu djelatnost obavljaju poslove utvrđene i kroz nadležnosti civilne zaštite. Kroz sistem zaštite i spašavanja općine Tešanj, a u skladu sa Uredbom o organizovanju službi zaštite i spašavanja, organizovana je:

1. Služba prve medicinske pomoći,
2. Služba za zaštitu i spašavanje životinja,
3. Služba za spašavanje sa visina i iz ruševina,
4. Služba za asanaciju, čistoću i vodosnabdjevanje i
5. Služba zaštite od požara.

Tokom 2016. godine izvršena je redovno ažuriranje popunjenosti službi kroz ličnu i materijalnu formaciju.

Naziv službe	Formacija		Popunjenost			Starosna struktura				Pol		Stručna sprema			
	Vod	Odjeljenje	Po formaciji	Popunjeno	Nedostaje	Do 35	35-45	45-60	Od 60	Muški	Ženski	VSS	VŠ	SSS	NSS
Služba zaštite i spašavanja iz ruševina	-	1	10	10	0	5	3	2	0	8	2	0	1	7	2
Služba medicinske pomoći	1	-	30	30	0	3	6	15	6	15	15	8	1	20	1
Služba za zaštitu životinja	-	1	16	7	9	3	4	2	1	7	-	3	-	4	-
Služba za asanaciju, vodosnabdjevanje i čistoću	1	-	41	41	0	7	20	11	0	40	1	4	0	21	16
Služba zaštite od požara		2	19	19	0	9	9	1	0	19	0	-	-	19	-
<b>UKUPNO:</b>	<b>2</b>	<b>4</b>	<b>116</b>	<b>107</b>	<b>9</b>	<b>27</b>	<b>42</b>	<b>31</b>	<b>7</b>	<b>92</b>	<b>18</b>	<b>15</b>	<b>2</b>	<b>71</b>	<b>19</b>

#### c) Jedinice civilne zaštite

Jedinice civilne zaštite predstavljaju osnovnu organiziranu snagu civilne zaštite i namjenjene su za izvršavanje zadataka zaštite i spašavanja i otklanjanja posljedica. Iste se organizuju u skladu sa Procjenom ugroženosti.

Sistem zaštite i spašavanja Općine Tešanj ima organizovanu Jedinicu opće namjene veličine voda. Nema organizovanih jedinica specijalizovane namjene, obzirom da određene poslove istih vrše službe zaštite i spašavanja, kako općine, tako i kantona.

Naziv jedinice	Formacija		Popunjenost			Starosna struktura				Pol		Stručna Sprema			
	Vod	Odjeljenje	Po formacij	popunjeno	Nedostaje	Do 35	35-45	45-60	Od 60	Muški	Ženski	VSS	VŠ	SSS	NSS
Opće namjene	1	-	32	16	16	4	8	4	0	16	0	0	0	12	4
<b>UKUPNO:</b>	<b>1</b>	<b>-</b>	<b>32</b>	<b>16</b>	<b>16</b>	<b>4</b>	<b>8</b>	<b>4</b>	<b>0</b>	<b>16</b>	<b>0</b>	<b>0</b>	<b>0</b>	<b>12</b>	<b>4</b>

#### d) Povjerenici civilne zaštite:

Povjerenik civilne zaštite je ovlašten da organizuje aktivnosti zaštite i spašavanja u pogledu preduzimanja lične i uzajamne zaštite i provođenja mjera u dijelu naselja, stambenim zgradama i drugim sredinama za koje je određen. Određeno je 125 povjerenika u 25 mjesnih zajednica. Svi povjerenici, njih 125 su imenovani donošenjem rješenja Općinskog načelnika. Takođe, u dva navrata izvršena je i obuka većine povjerenika CZ, obzirom da isti predstavljaju jedan od bitnijih segmenata na relaciji građani i operativne snage civilne zaštite.

#### e) Općinska služba civilne zaštite

Općinska služba civilne zaštite, koja ima status službe za upravu nadležna je u obavljanju upravnih, stručnih i drugih poslova zaštite i spašavanja, prema odredbi člana 31. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH”, br: 39/03, 22/06 i 43/10“) i člana 17. Zakona o zaštiti od požara i vatrogastvu („Službene novine FBiH”, br: 64/09).

Uloga Službe civilne zaštite je ne samo da vrši konkretne poslove iz svoje nadležnosti, već da prati ukupno stanje zaštite i spašavanja na području općine, informiše općinskog načelnika i općinsko vijeće o stanju i problemima u zaštiti i spašavanju, da inicira donošenje određenih mjera za izgradnju sistema, te koordinira i podstiče rad svih općinskih službi iz njihove nadležnosti u oblasti zaštite i spašavanja.

Stanje popunjenosti općinske službe civilne zaštite :

<b>PO SISTEMATIZACIJI</b>	<b>21</b>
Pomoćnik Općinskog načelnika za CZ	1
Odjeljenje civilne zaštite	3
Odjeljenje zaštite od požara i vatrogastvo-PVJ	11
<b>POPUNJENO</b>	<b>15</b>

U sastavu Službe civilne zaštite se nalazi i Odjeljenje za higijenu i održavanje koje broji 3 uposlena.

#### f) Operativni centar civilne zaštite „121“

Operativni centar civilne zaštite je organizovan u sastavu organa civilne zaštite i ovlašten je da prati stanje na području općine i prikuplja podatke o svim pojavama i opasnostima. Operativni centar civilne zaštite Općine Tešanj prema Pravilniku o organizovanosti i funkcionisanju operativnih centara radi osam sati dnevno (radim danom) i ima jednog uposlenog. Obzirom da su funkcionalno spojeni operativni centar civilne zaštite i vatrogasne jedinice, dojave i informacije mogu se primati 24 sata dnevno, što ga čini izdvojenog u odnosu na ostale općinske operativne centre u Federaciji. Podaci se prikupljaju od svih službi iz oblasti sigurnosti, zdravstva, komunalnih, elektro i telekomunikacijskih subjekata, iz oblasti privrede i društvenih djelatnosti i građana. Prikupljeni podaci se obrađuju, klasifikuju i distribuiraju nadležnim organima, susjednim operativnim centrima i operativnim centrima ZDK i Federacije i medijima.

U 2016. godini nastavljena je aktivnost na uspostavi radio-komunikacijskog sistema na području općine, koji obuhvata povezivanje svih subjekata koji na određen način učestvuju u redovnim i vanrednim aktivnostima zaštite i spašavanja, kao i samih struktura civilne zaštite.

### 3. OPREMANJE I OBUČAVANJE

Funkcionalnost i efikasnost civilne zaštite u značajnoj mjeri zavisi od opremljenosti i obučenosti struktura civilne zaštite. Sistem zaštite i spašavanja se razvija u nekoliko pravaca koji se odnose na opremanje i obučavanje, planiranje i provođenje preventivnih i hitnih mjera. Ovi segmenti su kompleksni i zahtjevaju dugoročno planiranje i provođenje utvrđenih aktivnosti. Obzirom da sistem zaštite i spašavanja općine Tešanj trenutno broji oko 272 pripadnika raspoređenih u organizovanim strukturama civilne zaštite pristupilo se planskom opremanju svih struktura. Za sve pripadnike civilne zaštite nabavljena je lična radna oprema za rad u određenim uslovima sa propisanim oznakama i obilježijima. Nabavljena je oprema i sredstva za spašavanje i zaštitu od požara i poplava, za spašavanje na vodi, za asanaciju terena koja obuhvata i dezinfekciju, prvu medicinsku pomoć, a nabavljen je i značajan broj priručnih sredstava.

Obučavanje je dio aktivnosti koji se provodi uporedo sa opremanjem. U protekle tri godine u dva navrata provedena je obuka povjerenika i službe zaštite od požara. Šest pripadnika PVJ i civilne zaštite je završilo obuku spašavanja na vodi i upravljanja čamcima. Ostale službe zaštite i spašavanja provode redovne godišnje obuke kroz redovne aktivnosti unutar pravnih lica gdje su organizovane.

## II ZAŠTITA OD POŽARA

Zaštita od požara na području općine Tešanj organizovana je kroz Službu civilne zaštite odnosno profesionalnu vatrogasnu jedinicu Tešanj, na osnovu Zakona o zaštiti od požara i vatrogastva (Sl. novine FBiH broj: 64/09), Zakona o zaštiti od požara ZE-DO kantona (Sl. novine ZE-DO kantona broj: 5/11) i Zakona o zaštiti i spašavanju ljudi i materijalnih dobara (Sl. Novine FBiH broj: 39/03, 22/06 i 43/10).

### 4. ORGANIZACIJA VATROGASTVA NA PODRUČJU OPĆINE TEŠANJ

Vatrogasne snage za obavljanje vatrogasne djelatnosti na području općine Tešanj su:

- Profesionalna vatrogasna jedinica Tešanj, koja predstavlja osnovne snage za vatrogastvo;
- Služba zaštite od požara, koja predstavlja dopunske snage za vatrogastvo;
- Dobrovoljne vatrogasne jedinice Dobrovoljnog vatrogasnog društva „Tešanj 1905“ i Dobrovoljnog vatrogasnog društva „Jelah“;
- Operativni centar civilne zaštite općine, koji osigurava komunikacijsko – informacijsku podršku, vatrogasnoj jedinici, štabovima civilne zaštite i drugim organima koji rukovode akcijama zaštite i spašavanja na ugroženom području.

### 5. OPERATIVNO DJELOVANJE VATROGASACA

Vatrogasna jedinica Tešanj u 2016. godini realizovala je svoje redovne obaveze na području općine Tešanj na površini od 163 km<sup>2</sup> i imala je 43 intervencije gašenja požara i spašavanja ljudi i imovine.

Pregled popunjenosti PVJ Tešanj

Red. br.	FUNKCIJA	POTREBNO	POPUNJENO	STAROSNA STRUKTURA			
				Do 35	35-45	45-60	Od 60
1.	Starješina jedinice	1	-	-	-	-	-
2.	Starješina grupe	5	5*	-	2	2	1
3.	Vatrogasac vozač	5	3	1	1	1	-
4.	Vatrogasac-serviser	2	1	-	-	1	-
5.	Vatrogasac	5	2	1	1	-	-
	<b>UKUPNO:</b>	<b>18</b>	<b>11</b>	<b>2</b>	<b>4</b>	<b>4</b>	<b>1</b>

\*Trenutno je jedan starješina grupe na dužem bolovanju i upitan je njegov daljnji angažman.

Rad u jedinici se odvija u smjenama po 12 sati uz stalno dežurstvo u vatrogasnoj jedinici 24 sata dnevno sa po 2 člana smjene (starješina grupe i vatrogasac).

## 6. OPREMLJENOST VATROGASNE JEDINICE

### Opremljenost PVJ (vozila)-tabelarni pregled

Red. Br.	Marka i tip vozila	Namjena vozila	God. proizv.	Sadržaj vozila			Starost Vozila (godine)
				Voda	Prah	Pjena	
1.	*MAN 520	Auto ljestve	1962				54
2.	MERCEDES 2400	Navalno	1972	2500			44
3.	FAP-1616	Kombinovano	1981	4500	1000	500	35
4.	MERCEDES 5000	Navalno	1984	5000		500	32
5.	MAN-12000	Cisterna	2001	12000			15
6.	BAGER	Radno	2003				13
7.	CADY -teretno	Teretno	2008				8
8.	ŠKODA ROOMSTER	Putničko	2010				6
9.	FORD TRANSIT	Malo navalno vozilo	2013	1000		100	3
10.	FORD RANGER	Malo tehničko vozilo	2013	150			3

\*Nije u upotrebi i nije registrovano.

### Pregled opreme PVJ

Red. Br.	Naziv opreme	Komada	Stanje opreme
1.	Gumeni čamac sa motorom	1	ispravno
2.	Gumeni čamac bez motora	1	ispravno
3.	Odijeło za spašavanje na vodi	6 kompleta	ispravno
4.	Vatrogasna zaštitna lična oprema za vatrogasca	12 kompleta	ispravno,
5.	Pumpe za vodu električne, muljarice	4	ispravno
6.	Pumpe za vodu motorne prenosne	4	ispravne
7.	Naprtnjače (leđne sprave za gašenje šumskih požara)	20	ispravno
8.	Izolacioni/dišni aparati	15	ispravno,

U 2016. godini započeta je nabavka skupne vatrogasne opreme, radio uređaja i dogradnja vatrogasne cisterne, ova nabavka je još u toku.

*U narednom periodu potrebno je raditi na nabavci: vatrogasnih ljestava, zamjena postojećeg vatrogasnog vozila za gašenje požara u industriji i dr.*

Sva ova vozila su tehnički ispravna i registrovana i redovno se održavaju. Kod servisiranja dolazi do problema zbog starosti i nedostatka rezervnih dijelova. Kako bi vatrogasna jedinica bila što mobilnija i efikasnija, vatrogasna oprema i tehnika mora biti pouzdana i sigurna.

## 7. STANJE ZAŠTITE OD POŽARA

### Pregled intervencija gašenja požara 2009-2016. godina

Vrste požara	2009.	2010.	2011.	2012.	2013.	2014.	2015.	2016.
STAMBENI OBJEKAT	17	11	15	19	13	10	17	10
SAOBRAČAJNI UDESI-POŽARI	8	6		5	6	9	11	5
POMOĆNE ZGRADE	8	2	5	8	8	4	4	6

ŠUMA I NISKO RASTINJE	7	5	62	84	13	15	22	6
POSLOVNI OBJEKTI	8	4	7	7	8	6	6	1
KONTEJNERI	3	3						
GUME I OTPAD	2	1	2	4	7		3	1
SIJENO	5	1						1
PLINSKA BOCA		1						6
OSTALO	7	12	4			6	1	7
<b>UKUPNO</b>	<b>65</b>	<b>46</b>	<b>95</b>	<b>127</b>	<b>55</b>	<b>50</b>	<b>63</b>	<b>43</b>

Kod pregleda vatrogasnih intervencija ne treba gledati samo na brojke, već je potrebno imati na umu da jedna intervencija može biti jako zahtjevna i teška sa dosta ugroženih ljudi i materijalnih dobara, a za posljedicu može imati, nastradale i veliku štetu na materijalnim sredstvima.

## 8. ZAŠTITA OD POŽARA (PREVENTIVA)

### a) APARATI ZA POČETNO GAŠENJE POŽARA

U sklopu vatrogasne jedinice funkcioniše servis vatrogasnih aparata koji ima sve dozvole i opremu za rad. Na području općine Tešanj u 2016. godini servisirano je 7020 komada različitih vrsta i tipova vatrogasnih aparata.

### b) HIDRANTSKA MREŽA

Prema Zakonu i Pravilniku javno preduzeće koje upravlja vodovodnom i hidrantskom mrežom, dužno je pri izgradnji, rekonstrukciji i korištenju ovih mreža, osigurati kapacitet i pritisak vode u hidrantskoj odnosno vodovodnoj mreži za potrebe gašenja požara, tj. „javna preduzeća i druga pravna lica dužna su stalno održavati u ispravnom stanju hidrantsku mrežu, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu“, što je u konkretnom slučaju za javni vodovod nadležnost KP „RAD“ DD Tešanj, a mjesnih vodovoda Mjesne zajednice koje upravljaju istim ili preduzeća koja upravljaju.

Prema pregledu i kontroli hidrantske mreže za područje općine Tešanj, prikazujemo stanje hidrantske mreže za 2016. godinu:

Red. br.	MJESTO	BROJ HIDRANATA			VRSTA HIDRANTA	NAPOMENA
		ISPRAVNI	NEISPRAVNI	UKUPNO		
1.	Tešanj	21	1	22	Podzemni	Neispravan hidrant.-potrebna zamjena
2.	Jelah	11	/	11	Podzemni	
3.	Jelah-polje	3	/	3	Podzemni	
4.	Vukovo	3	/	3	Podzemni	
5.	Čifluk	2	/	2	Podzemni	
6.	Potočani	2	/	2	Podzemni	
7.	Miljanovci-Lončari	31	5	36	Podzemni	
8.	Miljanovci Novi	23	0	23	Podzemni	
9.	Piljužići	9	5	14	Podzemni	
<b>UKUPNO:</b>		<b>105</b>	<b>11</b>	<b>116</b>		
<b>VODOVOD „ROSSA“ DOO</b>						
10.	Novo selo	3	1	4	Nadzemni	



11.	Žabljak	1	/	1	Nadzemni	
12.	Rosulje	8	0	8	Nadzemni	
13.	Ljetinić	4	0	4	Nadzemni	
14.	Medakovo	1	0	1	Nadzemni	
15.	UKUPNO:	17	1	18		
16.	SVEGA:	122	12	134		

## 9. ZAKLJUČCI I PRIJEDLOZI ZA POBOLJŠANJE RADA

Civilna zaštita je nosilac sistema zaštite i spašavanja i ujedno čini njen dio i zasnovana je na međunarodnim principima pomoći i načelima organizovanja. Zbog toga i područje zaštite i spašavanja zahtjeva stručan i detaljan pristup u fazi prevencije, odnosno detaljno planiranje i osiguravanje funkcije upravljanja za situacije kada su ugroženi ljudski životi i materijalna dobra. Na taj način Općina Tešanj mora posebnu pažnju posvećivati razvoju i jačanju sistema zaštite i spašavanja kroz:

- Nastavak obučavanja struktura civilne zaštite,
- Provođenje preventivnih mjera u cilju ublažavanja i spriječavanja nastanka prirodnih i drugih nesreća,
- Opremanje struktura civilne zaštite i pružanje podrške drugim strukturama u provođenju priprema i izvršavanju zadataka u zaštiti i spašavanju,
- Izradu procedura djelovanja struktura civilne zaštite sa ostalim učesnicima u zaštiti i spašavanju,
- Nabavku vatrogasnih vozila, opreme i drugih materijalnih sredstva, prema potrebi Vatrogasne jedinice i u skladu sa finansijskim mogućnostima,
- Edukaciju profesionalnih vatrogasaca sa posebnim akcentom na edukaciju mladih vatrogasaca i edukaciju iz specijalističkih oblasti zaštite i spašavanja,
- Podršku jačanju i osposobljavanju dobrovoljnih vatrogasnih jedinica formiranih u dobrovoljnim vatrogasnim društvima,
- Koordinacijom sa višim strukturama civilne zaštite obezbijediti lociranje potrebne opreme na prostoru općine Tešanj,
- Unapređenje i popravak mreže hidranata u saradnji sa vlasnicima i upraviteljima vodovodnih sistema.

### OBRADIVAČ:

SLUŽBA CIVILNE ZAŠTITE  
Mr.sig.Mensur Saletović, prof.

### PREDLAGAČ:

OPĆINSKI NAČELNIK  
Mr. Sc. Suad Huskić

Datum: 15.02.2017.godine  
Broj: 02-44-5-311/17